

զմեծ և զփոքր քարինս , և բացին խրամ մեծ . և մտին անտի 'ի ներքս : Լուեալ միարանաց զձայն դղրդեւոյ և թընթալոյ , և տեսեալ զնոսա որք ընթանային այսր և անդր . ձայն բարձեալ աղաղակեցին եւ գոչէին հասանիլ յօգնութիւն : Իսկ աւազակաց չփոթեալ ընդ միմեանս չկարացին յափշտակել ինչ , ելին և փախեան անտի : Ի լուսանալ առաւօտուն լուաւ զեղեալն Գրիգոր Պատրիարք՝ եւ ազդարար դատաւորին , և նորա առեալ ընդ իւր զքաղաքապետն և զբազմութիւն այլազգեաց եկն անդ , ետ չափել ճարտարապետին զխրամն զոր բացեալ էին աւազակքն , և եգիտ զբարձրութիւնն 2 կանգուն , նոյն չափ և զլայնութիւնն : Ապա չկարացեալ ասել կամ առնել ինչ , հրաման ետ Գրիգորի չինել և ամբացուցանել զայն ըստ առաջնոյն , և նա արար ըստ հրամանի նորա . 'ի 19 Զիլգատէ ամսոյ՝ (1640) . 38 Փետրվարի :

Վէճք և դատաստանք և հակառակութիւնք փաստակարք եղեն բազում անգամ ընդդէմ Հայոց վասն այրին Մննդեան , զորոց երկարագոյն գրեցաք 'ի նախընթաց գլուխսրդ , ուր յետ կորուսանելոյ Հայոց զայլ իրաւունս՝ միմիայն մնացեալ էին անդ կանթեղք 2 : Իսկ 'ի սմին ամի միարանեալ Յունաց և Լատինաց , բարձին զնոսա եւս , և չկամէին իսկ Հայոց մտանել անդ : Իսկ Գրիգոր Պատրիարք որ բազումս փաստակեալ էր վասն այսր , առեալ հրովարտակս և դատաստանական գիրս՝ չեղել հնար ընդդէմ դինիլ նոքօք երկուց ազգաց . մանաւանդ անվերջանալի էր վէճն և խռովութիւնն 'ի Ս . Տեղիս . յորոց կրեցին Հայք տառապանս և փաստս ծանունս : Ապա 'ի սմին նուագի առաւել խստանալ երկուց ազգաց ընդդէմ Հայոց , հարկ եղել Գրիգորի գլխիւ առ դատաւորն Մուսղաֆա էֆէնտի , և 'ի բողոք բառնալ նմա՝ յանձն առ դատաւորն գրել 'ի Դուռն ըստ մտաց վաւերական գրոցն Հայոց , և զհակառակութիւնս երկուց ազգաց . և խնդրեաց հրովարտակ յիւրքայէ վասն հաստատութեան իրաւանցն Հայոց . 1063 (1640) :

Չեւ եւս աւարտեալ Գրիգորի Պատրիարքի զվէճն որ ընդ Լատինս և ընդ Յոյնս՝ սակս այրին Մննդեան , յաբեաւ այլ իմն խռովութիւն եւ խոչ մեծ առաջի նորա ,